

31. juli 2016

Inatsisartut suleriaasianni § 33 naapertorlugu aallajangiiffigisassatut siunnersuut imaattoq matumuuna ingerlatippara:

**Schweizimi atuartitaanermut ilnniartitaanermullu perorsaariaatsimut tunngatillugu aqqis-suussisimanermikkut qanoq iliorlutik inuusuttortami pingajorarterutaasa aappaata inuus-sutissarsiutigalugu ilnniartitaanermik naammassinnittarnerat qulakkeerlugulu siuarsarsi-maneraat pillugu Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi aamma nalilersorneqassaaq Schweizimi atuartitaanermut- Ilnniartitaanermullu aqqissuussisimanerup sannaasa ilaannik nunatsinni iluaqutaasumik atuisoqarsinnaanersoq. Misissuinermi inerniliussaqaq UPA2018-imi saqqummi-
unneqassaaq.**

(Inatsisartunut ilaasortaqaq Suka K. Frederiksen, Siumut)

Tunngavilersuut:

Meeqqat atuarfianiit ilnniarfinnut ingerlaqqinngitsoortartut amerlavallaarput, tassunga ilaavoq atuartut amerlavallaat ilnniaqqiffissatut ingerlariaqqiffissartik suliffigerusutartillu siviisuallaamik nalornissutigisaramikku, ilaatigullumi inuusutissarsiutissatut ilnniagassartik naluittarpaat, taman-nalu iliuuseqarfiginialarlugu isumaqarpunga misissuineq aqutugalugu aqqiissutaasinnaasunik nassaartqoarsinnaasoq, qanoq iliorluni inuusuttut siunissami inuunissartik ilusilersorsinnaassagaat taamaalillutik inuunermut naleqqatut toqqammavigalugu alloriaqqiffigalugu. .

Meeqqat atuarfianiit inuusutissarsiutigalugu ilnniaqqinniarlutik ingerlaqqittartut amerlisarnissaat eqqarsaatigalugu, maanna periusaasup killeqarpallaartumik kinguneqartarnera qaangerniarlugu nutaamik eqqarsaateqalertariaqarpugut, s.a. Schweiz-imi inuusuttut pingajorarterutaasa aappaat (2/3) inuusutissarsiordermut ilnniakkamik aallartitsisarput¹, uani mininneqarnatik meeqqat atuarfianni angusalunnerpaat allaat ilnniaqqinnissaminnik neqeroorfigineqartarlutik, nunatsinnili killormut nipimik nittarsaavigineqartarput angusalunnerpaat ima: *“Karakteritit naammanginnamik ilnniarnissannut ingerlariaqqissinnaanngilatit”* inuusuttut naqissuserneqareertarput inuunerminni ajorsartussanngorlugit, inuttut imminnut upperalutik naleqartinnerat pineqartut ajorsassutigisarpaat, taamatullu inissinneqarnerminni inuiaqatigiinnut tunniussassaqaarnerminnik upperinnikkunnaarlutik pisartagalittut inissittarlutik.

Ullumikkut atuarfinni siunnersortit annerusumik atuartut ingerlariaqqinnissaannut siunnersuunis-samik isumalluutaasarput, taakkulu misilittagaat aamma assigiinngittaqlutik soorluttaaq meeqqat angerlarsimaffimmini siunnersorneqartarnerat assigiinngittaqisoq.

Atuarfimmik naammassinnillutik ingerlariaqqittartut pillugit kisitsisit takutitsippat ullumikkutuut ingerlaannarneq naammangitsoq taamaattumik allannortoqartariaqarpoq, allannguuterlu pisariaqartoq tassaavoq ataqatigiissakkamik ingerlatsinerup nukittorsarnissaa.

Ilnniarfinnut ingerlariaqqinnissaq tamanna ilisimasatigut nalunaarusianilu uppernarsarneqartuarpoq ilnniarsimasooq tassaasartoq sutigut tamatigut periarfissagissaarnerusoq, tamannalu angutserlugu sulisariaqarpugut.

¹ <http://www.ft.dk/samling/20121/almdel/buu/bilag/285/1274406.pdf>
http://www.vejlederforum.dk/media/filarkiv/Hvorfor_er_Schweitz_så_gode_Inger_Veng_Rasmuss.pdf

Meeqqat aturfiani angusassat pingaaruteqarnerit ilagaat ilikkagassatut allassimasut naammassineqarnerisa saniatigut atuartut inersimasunngorunik inuiaqatigiit ingerlatitaaneranni tapertaallutik sulinikkut tunniussaqaqataanissaannik ilisimasaqarnissaat. Inuiaqatigiinni ilinniarsimassutsip inuunerissaarnermut qaffassaataasinnaanera iluaqutigalugu, inuttut ataasiakkaatut inuiaqatigiittullu napateqatigiinnissarput angussagutsigu, sulinikkut sulinerullu kinguneranik pisuussutit pilersinneqartut ataatsimoortumik iluaqutaanissaat siunertaassaaq. Nassuerutigalugu inuit ataasiakkaarlugit pinngitsaalillugit ilinniartissinnaannginnatsigit taamaattoq kajumissuseqalersitsinissaq pisariaqarpoq.

Inuit ataasiakkaat inuiaqatigiinni katataasartut angummatsissagutsigit inuiaqatigiit inissaqartitsinerullutalu akuersaarnerusariaqarpugut, ilinniaqqinnikkut piginnaanngorsarneq tapertaaqataanissamik aallaaveqartarmat, aallaqqaataaniilli ilinniarusuttut oqarfigineqarsinnaanngillat ilinniaq-qissinnaanngitsut, ilinniarnerrummi isumarpiarivaa piginnaanngorsarneq itigartitsinikkullu piginnaanngorsanngitsoortakkavut amerlavallaaqaat.

Taamatut oqaaseqarlunga aalajangiiffigisassat siunnersuut ingerlatippara meeqqatta siunissaat pillugu tigulluarneqarnissaa kaammattuutigalugu.

Namminersorlutik Oqartussanut aningaaatigut allaffisoornikkullu kingunissai

Naatsorsuutigineqassaaq misissuineq inuup ataatsip (AC-medarbejder) ukiup ataatsip suliffiusup iluani naammassisinnaasaanut naleqqiullugu ukioq ilivittoq atorlugu suliarineqassasoq, aningaasartuutit misissuinermit 500.000 kr. missaaniissangatinneqarput, aningaasartuutillu pineqartut suliasaqarfiup ingerlatsinermut missingiutaanit tiguneqassapput. Taassuma saniatigut misissuinerup nalaani angalasarnissat naatsorsuutigineqassapput, aningaasartuutaajumaartussat tassunga piffissami uani annertussusaat ilisimaneqanngilaq.

Namminersorlutik Inuussutissarsiortunut aningaasatigut allaffissornikkullu kingunissai Soqanngilaq

Innuttaasunut aningaasatigut allaffissornikkullu kingunissai: Soqanngilaq